



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00204 (Naalakkersuisut aalajangiinerat ulloq 3. november 2006, imm. 2f)

Kontomit pingaarnermit 80.00.80 Aningaasat suliniutinik allartitsinissamut sillimmatinut tunngasumit, kontomut pingaarnermut 80.00.01 Nuussinissanut sillimmatinut tunngasumut aningaasanik nuussinissaq

Naalakkersuisut **inassutigaaat**,

kontomi pingaarnermi 80.00.01 Nuussinissanut sillimmatinut tunngasumi, aningaasaliissutit 1.100.000 kr.-inik qaffanneqassasut.

Kontomi pingaarnermi 80.00.80 Aningaasat suliniutinik aallartitsinissamut sillimmatinut tunngasumi, aningaasaliissutit 1.100.000 kr.-inik appartinneqassasut.

Aningaasaqarnermut Ataatsimiititaliap oqaaseqaatai

2006-imi aningaasanut inatsimmi konto pingaarneq 80.00.80, aningaasat suliniutinik aallartitsinissamut sillimatinut tunngasoq 1,6 mio kr.-inik aningaasaliiffigineqarpoq. Ullumi ulloq tikillugu konto pingaarnermit aningaasanik atuisoqarsimanngitsoq ilisimaarineqarpoq. Konto pingaarnermit aningaasanik amerlanerusunik 2006-imi atuisoqaqqinnginnissaa Naalakkersuisunit naatsorsuutigineqanngilaq.

Tamanna tunngavigalugu konto pingaarnermit taaneqartumit 1,1 mio. kr.-inik nuussisoqarnissaa Naalakkersuisut anguniarpaat, matumalu kingorna 500.000 kr.-it sinnerutissapput. Aningaasat taaneqartut kingulliit taakku Alluitsumi talittarfimmut nutaamut atugassiissutigineqarallarsimapput, tak. Aningaasaqarnermut Ataatsimiititaliamut Naalakkersuisut qinnuteqaataat 11. september 2006-imeersoq. (Suliaq nr. 06-190).

Alluitsumi suliniummut tunngatillugu Naalakkersuisunit annertunerusumik paasissutissiinissap utaqqimaarnissaa eqqarsaatigalugu Aningaasaqarnermut Ataatsimiititaliap suliame 06-190-imi aalajangiinissani kinguartinnikuuaa. Paasissutissat taakku suli tiguneqanngillat. Taamaakkaluartoq suliniut taaneqartoq naatsorsuutigineqaaqqartumit annertunerusumik aningaasaliiffigineqarnissamik pisariaqartitsisinnaasoq ataatsimiititaliamit ilisimaneqarpoq. Tamanna tunngavigalugu paasissutissat amigaatigineqartut siuliini taaneqartut ataatsimiititaliamit tiguneqarsimatinnagit qinnuteqaatip matuma akuersissutigineqarnissaa inassutiginnangitsoq ataatsimiititaliamit isumaqarfigineqarpoq.

Aningaasaqarnermut Ataatsimiititaliap aalajangiinera

Paasissutissat annertunerusut utaqqimaarneqarnerat eqqarsaatigalugu Naalakkersuisunit inassutigineqartut isummerfiginissaat Aningaasaqarnermut Ataatsimiititaliap **kinguartipaa**, tak. siuliini oqaaseqaatigineqartut. Naalakkersuisut akissuteqaataat kalaallisut qallunaatullu kiisalu qarasaasiakkut kingusinnerpaamik ulloq 7. december 2006-imi uunga nassiuteqquneqarput; nch@gh.gl.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasq